



10713

斜山蘇過杖黨氏者

正月二十四日侍親游羅浮道院棲禪山寺

懷王案坡集有正月二十四日

與兒子過賴仙芝王原秀才信曇頌行全道士何宗一同遊羅浮道院及棲禪精舍過作詩和其韻寄適迨一首是

為紹聖二年作

淡雲曉蕙蘂野水清可揭山明草木秀百里見瓊細人閒境愈靜
地暖春先逝桃李已青枝落花空覆砌涼風稍可愛習習來衣袂
赤日雖未苦炎炎逼裘毳道人疑有道羽服襟裳徹晨齋爨無煙
台糗聊卒歲空階指萼菱破屋綠薜荔拄杖挑笋蕨折柳樊蘭蕙
居夷信何陋卽此可遁世敢師浴乎沂不數山陰襖人生行樂耳
四海皆兄弟何必懷故鄉吾駕隨所稅

斜川集卷之四

人漫懷王案紹聖二年坡在惠州有小圃五詠此首及枸杞一首蓋是時同作而佚地黃甘菊薏苡三首

草木異所稟甘苦分炎涼人漫獨中和羣燕敢雁行雖微瞑眩力
頗著難老方譬之古循吏有益初無傷安神補五臟自使精魄強
羅浮仙者居靈質不自藏移根植膏壤榷葉粲以長東南雖異產
遼海誰能航誓將北歸口從我涉漢湘種之斛山陰得與伯仲嘗

枸杞

春榮擷新芽秋籬得紅實霜根釀我醪色味兩奇絕老人鬢已絲

處子何由得早佩斯人言百歲真瞬息今我幸未衰妙藥况咫尺
食前得珍蔬新釀掃故疾瘴海風土惡地氣侵腰膝元鬢或偃僂
襁祿顏已黑西河安可冀北歸願如昔區區摘蒼耳麤陋非所敵

次韻叔父浴罷

懷王案子由浴罷詩載藥城後集紹聖四年坡在安化軍有和詩此蓋同時所作

黃門昔萬機下士勤握沐今已與世疎雅志追沂浴丹田有宿火
如此陽來復轆轤自轉水離坎俱實腹謫居百事乏惟喜薪水足
時濯西風塵一寓歸鴻目勿驚髀肉少衣褐真懷玉明鏡雖無垢
新苗良待沃雨餘餐巖岫露重膏松竹更觀雲入山心與境同熟
道書如雨切晴雲入山林之語珍重耆城言妙解何須讀潔者非外求清淨常返

斜川集卷之四

二

曠物初信可游儻來非所卜益師莊叟言養生貴緣督

次陶淵明正月五日游斜川韻

懷玉案坡和陶詩有正月五日與兒子過出游作是為元

符元年在儋州作

歲豐田野歡客子亦少休糟牀有新注何事不出游春雲翳薄日
礮石俯清流心目兩自閒醉眠不驚鷗茅茨誰氏居雞鳴隔林邱
曳杖叩其門恐是沮溺儔但苦鳩舌談爾汝不相酬築室當為鄰
往來無憚不澄江可寓目長嘯忘千憂儻遂北海志餘事復何求

五色雀和大人韻

懷王案五色雀詩元符元年坡在儋州時坡詩序云海南有五色雀常以綵羽

者為長進止必隨焉俗謂之鳳凰云久旱而見輒雨潦則反是子卜居儋耳城南嘗一至庭下今又見之進士黎子

雲及其弟威家歸去吾樂酒視日若爲
吾來者當再集也已而果然乃爲賦詩

神雀來何從飛鳴自爲徒尊卑有定分
象色敢亂朱與公作新年
禴禩陋桃符南遷不見鵬屢集升平鳥
柳仲邦每選官必烏
集升平第五日乃散翩然
自靈物豈惟眷庭梧年來翟公門寂寞
誰與娛瓜田豈故侯環堵
真前儒雖知非天窮嶮阻殆切膚海南
夷獠窟安得此異離似爲
三足使仙子儻見呼定知隱凡人嗒焉
非昔吾不願宴西瑤東華

返蒼都

冬夜懷諸兄弟

懷玉案此
在僑耳作

霜風連日惡霜月連夜苦青燈寒無光
翳翳昏復吐念我手足愛

斜川集卷之四

三

相望若秦楚兩兄寄陽羨耕稼事農圃
筆瓢有餘樂菽水未爲寔
兩兄客潁川耿耿懷去魯近聞營菟
裘稍亦葺環堵有弟雖咫尺
相逢猶齟齬黃灣隔小海孤嶺度大
庾今年厄陳蔡夫子嗟兕虎
惟我二兄弟願亦嘗險阻憶昔居大
梁共結慈明侶晨宵惟六人
夜榻到三鼓豈知聚散事翻手如雲
雨我今處海南日與漁樵伍
黃茅蔽澗谷白霧昏庭宇風高翔鴟
梟月黑號鼯鼠舟居雜蠻蠻
并服半夷虜下牀但藥餌遣瘴煩樽
俎何須鴛鴦墮時方念平生語

次韻大人與藤守游東山

懷玉案坡元符三年九月離廉州
至藤州有游東山詩題云徐元用

使君與其子端常邀僕與小兒過同游東山浮金
堂戲作此詩徐元用名壩坡竹枕時爲仁和令

灘聲已悲秋澗色猶藏春駕言東山游徧彼千載人使君平陽意
客至但飲醇風松作鼓吹迎送長江濱爾來乘桴翁歸路物色新
高情寓箕頰絕意登麒麟三吳有負郭穉種秋盈囷瘴茅喜欲脫
下澤還當巾縹緲九疑行此生定知津故人儻見思尺書憑素鱗

將至五羊先寄伯達仲豫二兄

辰玉案此元符三年待坡離
廉過藤梧將至廣州時作坡

亦用韻以寄邁迨時邁與家屬在惠州迨在常州坡詩
云大兒牧家穉四歲守孤孀次子病學醫三折乃初曉

人皆有離別我別不忍道惟應付夢幻事已共一笑憶昔與仲別
秦淮匯秋潦相望一葉舟目斷飛鴻杳伯兄陽羨來萬里踰煙嶠
未温白鶴席已餞羅浮曉江邊空忍淚我亦肝腸繞崎嶇七年中

斜川集卷之四

四

雲海同浩渺豈知羌村晚驚拜杜陵老干戈雖事異歡喜動夷獠
山川舊懷慘雲物今清好不似元都桃秋風不堪掃

送張倅彥政赴闕

信馬來并州并州在何許太行如登天惟悴欲誰語青衫百僚底
屏氣不敢吐謂當哭途窮何但折腰簪忽逢元紫芝仰視得眉宇
敢論通家舊竊欲此文舉

先君與叔父嘗得交於公
之王父蓋有一日之雅

使君况不凡

高論傾肺腑能容丞掾醉不問車茵汚念我邱壑人老矣事簪組
端如赴繯囚坐受獄吏侮感公懷抱開一笑忘羈旅雖知抱關惡
未忍賦歸去相從僅滿歲公已歌杖杜秋風忽零亂吹盡西山雨

定應催行色不遣車輪阻天街早飛羣鷺鷺看接武青雲豈難到
少展垂天羽區區亦自憐從此歸農圃

郡守禱雨覆應

秋陽六十日閔閔歲可懼原田龜坼城市塵沒屨誰歎悲若人
活彼於且暮精禋發仁惻誠意輒上訴神山闕靈湫水旱天所付
潛虬嬾廢職暴虎行鬥怒抑無東海宥又豈桑羊蠹天心自響答
民語酌道路嗟予生理拙飢飽共農圃披衣夜不眠聽此簷閒語
沉疴忽去體黃壤流膏乳少寬縣令責盡復南畝故呼兒酌我酒
欲寫無佳句聊同千里謠非公誰與哺

斜川集卷之四

五

再和

吾君如湯仁常爲無災懼一夫恐不獲賢留悲輯屨二斗東南憂
詔書走晨暮陳陳發困廩粒食不待訴知公經綸手故以民社付
汪然叔度陂不見偉節怒德星所臨次民瘼消朽蠹祝祠往無愧
飛雨來半路耕犁及二麥浸灌休老圃何人執筆書爲瑞非虛語
應言潁川鳳未要猫相乳益欣獄訟少三尺略細故丞掾從歌呼
謳謠入章句謝公未賦歸赤子猶待哺

題劉均國所藏燕公山水圖

江湖半此生老去徒見畫看山眼已足涉險夢猶怕老燕久黃壤

遺墨獨未化胸中有邱壑故遣意匠寫會逢知音人契此筆端話
故山當早歸誰是知津者

顏樂堂

恨無阿堵君一區今尙欠且謀蔽風雨拔草聊自苦低深人易安
儉陋鬼不瞰寧辭力少勞還視家無餼從來生理拙况此歲屢歉
故將簞瓢心聊作梁肉板堂前有甘井汲取良未厭堂後有藥苗
一飽亦可甞胡爲不歡樂何事貧憂詣作詩置座右勿使斯言玷
與范箕叟避暑西湖

快哉楚王風庶人安得共西陂浩無價不計吾儕用永日不可暮

斜川集卷之四

六

窮居厭塵閨出門有佳詣咫尺窺潭洞危樓俯木杪大厦森高棟
戶牖交梧楸蒲荷接蘋蓴罔持枕簟往遽起江湖夢醒然涼肺肝
習習吹衣動世閒賤易得清風誰與重勞生不自覺至樂那容衆
北窗與君享世網念少縱肉食固肥甘輕塵沒飛鞚

陪郡守遊西湖泛舟曲水分韻得會字

謝公志東山村屢未冠蓋興成江湖遊意落軒冕外陰陰聳夏木

瀏瀏鳴溪瀨擊舟破菰荷尋徑穿蕭艾新亭水心見倒影飛虹背

青山忽入坐境與人意會公詩如干將游刃天宇大西湖真小鮮

殊未供刀繪雲煙日相劇媚嫵分晴靄妙語瀉瓊瑰化工應有待

同趙伯充遊曲水趙氏莊分韻得抱字

三春失行樂風雨與病惱
忽驚節物改樹密鶯聲老
濫陪閒中容載酒尋芳草
東郊縱所適蒼莽事幽討
誰歟有隱居谿谷相鬱繚
疎籬映修竹叩門許徑造
主人雖鋤耒好客自灑掃
結茅_字二年種木今合抱
飄然佳公子忽弄松風操
絲桐豈能爾妙意超物表
歸途踐危橋月上千林縞
茲游非人寰俗耳不可道

和叔父移居東齋

懷玉奏穎濱詩載藥城後集
題曰葺東齋三月十八日

去鄉三十年夢寐猶西土
阨窮未能歸諒亦君子
固結廬箕穎閒絕意爲霖雨
聊清一室地僅作跣趺處
邇來又謝客不待羨輾釜

斜川集卷之四

七

西齋舊翳密日晏窗先暮
東軒得爽塏眞作禪侶住

公舊自謂陶東軒長老

潛採菊時尙復有真趣
公今觀此心湛然忘客主
坐了一大緣固已遺能所

次韻岑彥高史強木春日書懷二首

二豪以詩鳴優劣孰敢分
縱橫闔萬卷何憂備三鄰
終年發揣摩秀口吐陽春
誰云不菑畚安取三百困
汝穎素多奇世不乏孫陳
遊家請故作孫著書效潛
夫秦賦嗤陵雲哀時無祁
奚丹書誰爲焚償令試一
割晉盜當奔秦德業闕不
耀天欲昌其身定交乃余
求不貴

白髮新從此杖屨數爲子
掃榻塵高談看疊疊揮塵
落紛紛

逝水不可復百年行中分自嗟齒髮故晚境桑榆節物謾消長
枯荻不知春軒裳歎雞肋雀鼠盜廩困學藝晚愈拙彈冠力難陳
澹然忘出處任此無心雲世路羊腸險恐遭象齒焚何如老山澤
憔悴非逃秦嵩少幸咫尺雲泉許容身平生餘者好舍舊當謀新
安心本無法妙理割析塵優哉真卒歲豈復悅華紛

寄題撫松堂

胸中朝市遠何必擇所居門無結駟客山林入吾廬西洛有君子
築室城之隅種松在庭戶志與淵明俱朝挹西山爽莫尋南澗娛
霜中鶴骨瘦雨夜龍髯疎主人應相似節抱陵雲孤不知寒暑遷
何時返樵漁未用北山移我來只須臾

斜川集卷之四

寄題北海文舉堂

巨君竊漢靈如取鴻毛輕孟德老且死不見姦築成乃知朝無人
誰憚百公卿一夫能仗節介然屹長城忠義國所託安危與之并
吾於文舉見坐折姦邪萌誰能搏猛虎乃用尺筆嬰義氣橫宇宙
不煩尺寸兵悲哉天所壞一木難扶傾臬鸞不兩立夫子安得生
中原竟分裂三姓鼎足爭當知千載後高名獨崢嶸使君定不凡

論友古豪英作堂追餘烈豈祇求空名廢卷屢歎息孤忠誰發明
玉石痛俱燼鯨鯢脫誅烹嗟余志謬懦怒髮猶衝纓九原不可作
涕淚徒縱橫

和王仲弓雪中懷友之什二首

懷玉案仲弓各定
王文恪樂道之子

出門無所之懷刺名欲滅要求我輩人庶緩禮法設城南有勝土
塊坐方禪悅不嫌來往頻相對餐鹽雪

我非淳于狂君勿怖燭滅時能噉少醴誰爲穆生設明窗坐弈碁
聊以寄怡悅勝固無所爭敗亦何足雪

次韻少蘊移竹於賈文元園二首

詩伴車乃
文元尚孫

斜川集卷之四

九

猗歟丞相園中有歲寒根千夫屹冠劍坐閱雲來孫當年擁節旄
雅志在淇園琅玕映城郭琴筑鳴滹潏春筍半出林橫鞭爭觸藩
坐陵霜雪氣高壓排李繁年來王子猷來乘刺史軒請分一畝陰
自訪三家村賦詩屬公考益遣交情敦一雨飽生意莫嫌池水渾
我公經綸手胡爲試盤根忠言與嘉績有後期臧孫胸中五千卷
三歲不窺園種德如川增源深自游浚遠辭承明廬出備諸侯藩
仁風被草木已覺棠陰繁此君况手植伴公讀書軒未須勞越吟
寓目聊江村羣豪爭吐奇和詩相勸敦愧無崢嶸句在繼火陸渾

送在庭姪領漕歸蜀

伯祖昔爲郎出乘使者轡德星照東蜀遺愛及後昆登車問民瘼
手拊創痕痕遂使吾蜀人不知獄吏尊迨迨六十年乃復見曾孫
曾孫早讀書待詔金馬門一選文昌省駭駭西掖垣凜然七尺軀
雲夢不足吞乃居巖徐間舌齒吐吻脣青雲豈不願局促畏短轂
收拾五車書歸掃西山墳平生有家學舍魚取熊躡况茲甘棠俗
尙懷挾纊恩上以慰慈母一笑請平反下以慰父老俯不忤九原
更酌老翁水我爲歆此言

和母仲山雨後五首

懷玉築樂城後集有見兒姪唱
酬次韻五首卽此雨後諸詩也

柴門似郊居煙草碧萋萋君能慰幽獨數面情已眷山雨洗茅屋

斜山宋卷之四

十

耳目清如浣憑君發妙語筆有書萬卷

杜陵有佳句久旱雨亦好從教怨行旅頗

頓作覺慰父老我似廣

文貧飽食平生少忽飢山澤儒未易窺三島

西湖蛙可至不畏城闌阻苦艱與竹杖穿泥未爲苦清波暗萍藻

中有芙蓉吐驟雨眞可人新荷亦掀舞

能琴何必弦但曉琴中趣學道何所得知迷卽眞悟嘗觀指非月

要似足忘屢歸吾無所歸茲焉定歸處

吾廬不知暑心間自清涼醉鄉豈難入不假陶令觴白髮我摧朽

青雲子軒昂溪山會先住簪組未汝忘

和范信中雪詩二首

春事已稍稍雪泥阻遊觀壯心本無多老境嗟易闕念子功名士
早嫌懷與安棄繻事遠遊官待齒髮殘世事屬屢耳

缺四字

餐

急流成一快勇退人獨難慎守林泉幽莫辭松桂寒餘齡付空寂
粗免非意干願同王翰鄰未暇貢禹彈粃糠身外物况復子所歎
君家寓城市乃有山林觀高高復下下卜築殊未闕昨夜三尺雪
閉門學袁安且欣麥隴足未怕紅梅殘誰憐屬國蘇取糴卧自餐
欲尋鳥道往反畏屐齒難凜凜絡邊竹倚空爭歲寒儼如十萬夫
玉山方總干悲風動騷屑伴我長欽彈布衾冷如水敢效無魚歎

斜川集卷之四

十一

小雪

小雪不盈寸陰風何凜冽那堪平地尺柰此衣百結天公固念民
已兆豐年悅不知貧與富苦樂相懸絕沉沉五侯居碧瓦映華楨
獸炭麒麟紅銀瓶黃封揭春風達帷帳醉面生綺纈賜宴明光宮
玉色迷金闕誰憐葦門士破壁穿飛屑捉襟附常見納履指屢次
夜長不可度薪涇何由燕飢吟歎更鼓坐歎坐生理拙寒暑有代謝
何須怨窮達猶勝卧穹廬破種空自齧

湖陰有隱君子作軒曰獨樂鄉人常希古爲賦詩屬予同作

寄之

吾聞顏氏子簞瓢歡有餘不知外慕樂服膺在詩書君看軒冕榮
其辱與之俱斯游豈不遂上蔡會弗如倚伏無已時循環共一塗
賢愚但相笑莫知改前車嗟我晚聞道一官真遺慮得之不爲喜
失之分所無塵垢未忘掃冰炭久已除蕭然百憂釋夢覺兩于于
江南有高士以樂名其居嗜不同家好德則良不孤磨鉛事簡策
校讎獨勤劬持此返退藏不願拾紫朱黃卷有晤語捨茲無與娛
安得乘扁舟訪君在五湖

送梁與可赴中山倉

達人無畛畦從仕聊爾耳言辭將軍幕去作倉庾氏君懷者雲夢

斜川集卷之四

七

尙有恢恢地眷此亦鴻毛何足爲軒輊相君澤未遠風流王謝比
滿牀簪笏聞乃見山林士嗟余南畝人投老坐關市蕭然見簪宇
眞足忘饔餼平生南陽館市駿得千里帳中三千客不數曳珠履
要知磊落人臭味同蘭茝翻然若鴻鵠飛去今無幾我行抽手板
亦復還耒耜安能久俛首自困刀筆吏

葉守奉詔祠神霄二首

帝子闕下土狩臨千柱宮夾如月照夜去若電掃空馨香薦明德
降嘏初無窮靈光每下燭陋彼齋房中大道含一氣地天本相通
精誠貫白日閭闔來清風俾爾仁壽域不宰造物功眷言蘋藻微

正直神所予，誠存邪自閉。齋壇夜寂寞，天風吹珮環。
想像鸞鶴駕，雲霞隘空山。翩躚款帝閭，羣馭相追攀。
屏息百慮空，凜然夜氣還。心灰塵埃埃，迹寓冲虛閒。
益守清淨化，俗情開昧頑。無聲頌文德，庶幾窺一斑。

北山雜詩十首

長元案此十詩放翁有刊作見劍南彙四十四卷

慟哭悲素秋，言登北山腳。昏埃迷滬嶺，疲馬戰拳確。
歲月苦易得，俯仰成今昨。山雨集古道，春涼變谿壑。
飛妖雖已息，空穉那堪穫。農夫抱耒歎，四顧淚雨落。

斜川集卷之四

三

空山寂無聞，獨擁寒鑪火。時時黃大吹，知有行人過。
扣門但樵叟，束薪求售我。辛勤易一飯，空腹安能果。
我困亦無幾，僮僕行憂餓。明朝且食粥，彈鋏悲楚些。

霜餘木葉脫，浩蕩風千里。簸搖茅屋下，布被冷如水。
吾儕食亦巧，紙帳陋純綺。柴門任軒吼，曉夢方清美。
牆東新鑿牖，朝陽催我起。安眠愧耕者，隴月射牛耳。

午枕不能寐，牀頭并百尺。輓轡下長鞭，鏗響鳴山骨。
分甘徧鄰社，甚早猶湍碧。烹茶沸小鼎，自撥寒灰白。
默默誰與語，扣門惟木客。坐念魯雨生，壁間有陳迹。

默李吾所畏文字班馬流空齋鏡長夜尺瀆橫衣舟誰令效方朔
顧盼侏儒蓋不如談天李高論隘九州能爲齊諧語自許監河侯
浮沉閭閻與世真無求

西南望平原汝水稻千頃黃雲卷穰稔懷我江湖境扁舟五月時
潑眼菱荷淨歸來送歲惡半臂換湯餅悵望雲子白悲辛殘炙冷
采薇聊卒歲雅志錄箕穎

居閒本可樂閒久復難度此心苟無著永日未易暮平生有習氣
但對黃卷語詩書與博奕等是忘閒具不如觀此心安用徒勞苦
湛然返靈源當求無所在

斜川集卷之四

西

濛濛山頂雲欲雨晝昏黑似聞田父喜茅舍有點滴今年秋有甚
不敢藝兩麥天公猶見憐一犁應不惜我雖厭泥滓與爾同休戚
說說有遺種更望雲三尺

羶裘禦霜風從人笑胡服長齋似浮屠逾月不知肉東鄰有病媪
髮日垂鶴鴛擁竈坐無衣何曾飽脰栗哀哉天民窮壽考非其福
同此覆載閒我生良已足

山月半輪出寒光射天明微雲掃何處萬籟流無聲寒衣步東嶺
彷彿游化城下視寰宇閒醯雞等營營余躬好奇服替組鴻毛輕
羽人僊招我攜手雲間行

儂任况之

我如支離人自負百鈞趨羊腸路九折僵僂纒半途道逢任夫子
忽焉由柴車問君當何之駕言返舊廬息肩子有日我愧今不如
嗟哉妻孥累口腹亦見驅一墮世網中局促轅下駒秋風送鴻鴈
萬里翔天衢蓬瀛豈難到定笑山澤癯那知羈旅懷扁舟夢江湖
行當投劾去暮景收桑榆願回結駟駕時過原生居

三月十九日同仲豫兄長率崔遐紹趙漢英游朱園放魚

何人潛溪流忽作僦建屋不知幾魚蝦生斃此枯瀆纖纖躍泥沙
濡沫曾不足雖求升斗活終困螻蟻毒卷子二三子行春訪修竹

斜川集卷之四

五

危橋得小憩洞窟哀窮蹙汲井叩鄰里捐金勸僮僕好生人所欣
稚子助學掬嬰令從窟宅終免愧日腹瓶罌得千尾不滿百錢贖
勿輕其微細有知異草木蟻蜂雜君臣蝸角戴蠻獮君看長平戰
一舉百萬覆擾擾大塊中鉅細同倚伏達人齊萬物愚士蔽一曲
慎勿廢此言小惠何足錄

歲暮見懷二首

懷玉案此詩似海外寄邁迨
二兄之作題下疑有闕文

所願非富貴甘苦同友于長衾與大枕共寢從懸弧爾來萬里別
南北如囚拘一夫苟不獲仁聖惟予辜而我三兄弟飄泊海與湖
紛紛月挂樹征人念行路行路何茫茫誰爲供屏屨努力治蕪穢

公歸定非暮東門會祖道歎息兩疏傳滌器當日今歸歟不務素

次韻孫海若見贈十首

用子美詩蓋侯得
數週歡喜每傾倒

碌碌抱闕好孰爲賢與愚休歌紫萼之曲且和南郭竿逢人齋萬物
軒昂等魂蘇

神仙河渺茫羽人想丹邱讀書悖無成賣劍行買牛谷此三萬軋
傳家無鄴侯

折腰爲五斗強言筦庫職譬如彈隨珠徒喪竟何得坐詠淵明篇
令人有愧色

論交逮蓬華此道久寥邈君侯廊廟人顧我何數數夜光忽暗投

斜川集卷之四

去

拔劍驚草莽

日分麋鹿姿食薇山之阿不意設羅門屢辱結駟過清談脫麀尾
奈此落月何

仕宦纔百日邨公有餘懼君今吏一邑蕭然懷抱安回翔雲齒翻
退學鴻在砮

簪組實外物去來無愠喜若看失馬翁倚伏寄妙理顧我不亡存

斯言定非綺

嗟余幼好奇乘桴蹈南海遠游信雖美驚夢今猶每一飽類邯鄲

若樂何足駭

居間得三益詩社畢此生君才浩無際可畏銀河傾孤軍犯大敵
半生夜壁屢驚

君有中山行嚴風彫塞草日月遽如許相從恨不早當呼伯雅君

看子玉山倒

次韻任况之

谿山豈遠人吏縛苦難到豈惟畏簡書誰與同嗜好我作汝穎行
蹉跎春事老况逢懷抱惡千里風霜冒故人知我歸尺書遠見勞
似尋西溪約故遣二介報何時脫羈鎖著我林泉帽願言絕臧否
安用分睽睨世故定可憎覆車寧復蹈且共僻山翁同看接離例

斜川集卷之四

七

次韻王仲弓贈史得之

春風回東臬春雨溼田舍芒屨問修竹小圃條疎柘史侯得此趣
十年官早謝定知猿鶴怨衣繡空行夜世無摩詰手誰見輞川畫
且復浮沉遊款段聊叱咤

次韻趙承之數詩

一生拙自謀老去復誰諫二年此流落汝豈宜仕宦三黜固不辭
難堪妻妾訕四海將安歸面詬八裂脣五鼎不願食誠言豈容厝
六韜素無奇破敵未有閒七十古所稀田園當早辦八駿方竝驅
瑤池朝與宴九牛亡一毛安用蓬蒿翫十室請老焉佩弦吾敢慢

送伯達兄赴嘉禾

懷玉案此詩當
崇寧二三年間作

我生三十餘憂患恰半生飄零萬里外偶存三弟兄去去復遠別
朔風催客征相看各華髮豈免兒女情五載臥箕顛分甘一塵氓
嗟哉生理拙口腹不解營各逐升斗仕彈冠愧淵明誰知三徑荒
聊代十畝耕我政牛馬走君乃簿書叟壯心已灰槁焦芽不復萌
莊舄偶懷越嗣宗求步兵行藏本無意替俎鴻毛輕脫去西風塵
江山照人清扁舟五湖月千里爲尊羹行著下下考願辭赫赫名
青衫道旁吏時哉那可爭

和呂居仁宿盤溪

懷玉案宿盤溪
詩東萊集不載

斜川集卷之四

六

君詩如芝蘭君操如松竹寧當食舍魚坐待熊蹯熟申商掩仁義
已作高閣束長吟失惟悴短綴謝煩促自然四壁空惟有三冬足
我懷嵩少游已辦巾一幅願言山中友先登惟子獨須煩懸河辯
今我千兔禿歸來詩滿囊大勝富潤屋窮通有定分臆脛悲所續
一醉盤溪堂自取君詩讀

賀李行父遷居盤溪

揚雄無僦石而有宅一區陶令官可棄未免愛吾廬古來賢達士
忘世未忘軀豈知美惡間共盡同籩條平生李居士挈攜四壁無
常有好顏色直緣身世疎前年家城東一椽爲有餘今年家城西

隱几猶昔吾此生正如此夢覺兩徐徐曾何置欣戚舍舊新是圖
吾儕真小人問訊填里閭聊爲盤溪喜德鄰良不孤益知水竹深
中有山澤癯雖非三宿桑且學壺公壺

次韻信中郎官庵

飛流半山來忽作長劍倚吾知有高境何畏虎尾履郎官初得名
山川雖信美誰能此巖居暫寓非終止吾儕世外緣壯心殊不已
每譏懷與安同是非夫耻忍飢啖藜藿且博一笑喜更尋雲外人
安得助薪水伶傳穿鳥道窈窕下澗底路迷煙草合欲往不得跬
登樓亡其梯航海失一葦仰觀二三人下雲埃起山靈若相戲
危石折屐齒憂我不再來遺帳邱壑裏借君談天口駭我未開且
秋高山更奇後會志益偉捫蘿貴先登噬臍無效此與君控扶搖

赤腳踏清泚

僕以事至洛言還過龍門少留一宿自藥寮度廣化潛溪入
寶應翼日過水東謁白傅祠游皇龕看經兩寺登八節尤
愛之復至奉先作此詩以示同行僧超暉

崢嶸兩山門共挹一水秀灘聲千鼓輦石壁萬龕賣何人植翠栢
幽徑出塵囿金銀佛寺古夜籟笙琴奏僧稀梵唄少石險松竹瘦

惟當效樂天早晚棄冠綬

予寓洛陽寶壇有僧悟超類有道者與語論事能援古證人
蓋未祝髮時讀孔氏之史書涉獵大義爲浮屠猶不廢今
老矣不復讀也形骸枯槁真能遺世故而玩死者送予
至龍門陪予游東西兩山作詩別之

我生江海上性與魚鳥逸端來入世網竟坐形骸彼此心本洞然
六月蓮休迫常恐忘迹熟主人不勝客道人偶相逢宿莽類疇昔
曠巖秀眉目灰槁心木石語我學道難吾徒猶不力紛華久風靡
外慕失閭域卑之毋高論遣去身外物未能忘飢寒衣布飯疎糲
此語君自味至道在咫尺聞人吾雖多子獨無荆棘送行聊過谿

斜川集卷之四

三

共躡登山屐

有爲超作紫方袍授之屐藏而不服日
吾教有壞色衣無是服也予益高之

次韻范信中

將軍山林士木無軒冕意乘流亦悠悠得坎便止止平生劇孟徒
作詩建安似曹劉或爭先沈謝何足擬人窮語益工天或相夫子
念君綠髮初四海一身耳要見元魯山萬里立自致許君鹿藩籬
竟以身後委翩然復蹶躑便非昔隱几功名頗見迫終欲老雲水
豈料小卜築一谿城市裏從茲儻來物不足置愠盡用尋巢許遊
無愧汝穎士我有穉稔田君多櫻筍美杖屨日往來風流豈不偉

次韻趙承之留別

出處事莫竝昔諳今則疎一從異軒冕意遂甘泥塗種髮日就白
衰顏寧再朱壯心空萬里七病寄一區故人來蓬海過門問樵蘇
平生詩酒豪醉倒扶吳妹憶昨試京兆笑談鼠盜無雞牛本同割
刀几無情糶去去南陽野何以爲君娛三年方赤地政成少踟蹰
古來賢守多方略想可圖良言或有酌近敷崔大夫惜哉事大謬
誰爲焚丹書

小斜川 并引

予近卜築城西鵬陂之南依層城遶流水結茅而居之名曰小
斜川偶讀淵明詩辛丑歲正月五日與二三鄰曲同游斜川各

斜川集卷之四

三

賦詩淵明詩云開歲倏五十今歲適在辛丑而予年亦五十蓋

淵明與予同生於壬子歲也

總玉案淵明詩本是壬日和晴窮
黨偶讀誤本耳說見癡真子

既略相似而晚景所得又同所乏者高世之名耳感歎茲事取
其詩和之以遺行甫信中巽夫三友請同賦庶幾髣髴當時之

游而掩彼二三鄰曲之無聞也當以榜予堂上

我老不自愛幾時真罷休浮沉閭里閒漫效馬少游年來五十化
遊水無停流胸中粗已了浩蕩欲沒鷗淵明我同生共盡當一邱

試築小斜川佳名偶相儔亦復辛丑歲與公更平倡酬當時二三

友得如我友不賦詩俱不傳疑有湛輩憂聊將桃李句瓊瑰副吾

求

賦鼠鬚筆

長元案此篇示來大典缺載從宋文選補錄攷東坡外集第七卷亦載此詩未知孰是

大倉夫紅陳發鼠得餘腐肉與丞相歎又發廷尉怒磔肉餒餓貓

紛髻雜霜兔插架刀稍

一作

健落紙龍蛇驚物理未易詰

一作時

來即所遇穿墻何卑微託此得佳譽

子莊約况之遊西溪不至任有詩次其韻

邊城無一娛孰云從軍樂惟有退食閒柴門可羅雀念我江湖人

久負漁樵約安得漫浪遊時解冠帶縛令尹我輩人孤標寡然諾

晚逢任參軍詩思湧泉落裹飯從子來隱几訪南郭庶結三友權

斜川集卷之四

五

一笑忘杯酌西溪淥已漲渚柳風交錯日斷君不來孤鴻沒山腳

寄題岑彦明荷蘭軒詩

羣芳爭春風百態工嫵媚毛嫵與西施未易笑倚市豈如空山蘭

靜默羞自致幽香不可尋獨兮繁露墜高情謝簪組遁世漢綺季

端來從子遊定覺同臭味岑子少絕俗厭貧聊試吏官曹冷如水

終日學奇字未能三徑歸故作九畹藝後來當勿翦伴我司庚氏

彦明爲洛司倉代者乃吾兄仲南是也

和趙承之竹隱軒詩

莫將不貴身玩此有限年必待三逕足何時賦歸田陶令甌無粟

陋公不言錢可憐六尺軀坐受衆目憐我正犯此戒隱憂浩無邊
幽懷祇自知攬佩悲芳空聞君昔種竹妙意誠超然欲伴歲寒老
此計將終焉鬱鬱環堵中清風自招延林泉有餘樂簪組未易牽
早知文章累不願銘燕然一爲世所羈遂與昔志捐富貴豈不欲
孤高易墮顛翻然回吾駕造物報爾天辛苦自纏縛老蠶迷再眠
邯鄲一夢破懷抱良踟躕寄語山中友信歸在言前耘治秋水淨
掃灑春風妍君言誠起余肺腑不待鍾強顏爲升斗情態等而塵
投絃亦從此過君請擊絳雖微鹿門隱不愧竹林賢放懷繩墨一
俱作平地仙

斜川集卷之四

三

寄題任况之檇翁軒詩

豫章生而奇蔚有千尋志柯爲直見伐根中萬乘器自貽斧斤厄
信坐文章累不如檇與櫟生理默自遂榮枯同蒿艾老死從棄置
我願處不材一官隱關市豈知夏畦勞乃負淵明愧邠羨任公子
蕭然居畏壘彈冠聊爾爾頗似漆園吏官居接農舍稼穡雲靡靡
放衙日亭午吏散飽春睡此語慎勿出請爲倉庚氏

和叔寬田園六首

早歲厭華屋曲肱慕飲水躬耕二頃田僅可畢祭祀長懷飽粥憂
每抱瓶甕恥雖知學稼拙豈不賢而已衰才謝嚴徐吐吻上播齒

各從我爾好勿問誰世世

平生想知田疆理南復東常祈五日雨未厭十日風紛紛秀莖秀
忍害嘉穀叢蔓夷絕根本肅殺先秋冬坐獲霜管收庶幾盛供
一飯食我力願與農夫同

芄芄稼連雲老少紛在場禾稼已困雨秔秣亦沒秧計窮走羣望
敢憂牛與羊可憐拾麥人不憚道路長號呼澗水中滯穗收殘黃
對之懷抱惡寧忍自舉觴

重陰自凝結雨脚方圓羅懸知茅屋下寧有襦袴歌終年望一麥
此志今踈此平疇亂蛙蛤原陽長薜莎良哉可詠人休戚均爾多

斜川集卷之四

五

朝陽何時出赫赫敢滯河

縣官重愛民使者交農徑課更有殿最期使田野淨蒼蒼豈遠人
禍福依民聽欲知豐年報常曰德業盛近開河隄復羽豈獲萬姓
吾無矢石功廿此夏時病

十年蒼章甫人棄我亦閑得從長沮遊時把嚴陵竿本非厭作吏
未忍違故山朝來行西疇果腹惟三餐信哉負郭美五斗何足干
長爲田舍翁所樂非所歎

張幾仲召還朝其幕府趙承之送行至漳水用杜子美詩爲

韻作詩十篇既還孫志康亦取其韻追送適方官井門因

幾仲之來遂得諸公相遇今幕府側罷不能無辭索之

故亦用此韻以見意

延博案據此則此十篇爲蘇惠之作矣否則邁或過字之誤

元戎度量大六二坤直方好士常仄席疾惡如採湯威名在夷

功烈紀太常厥孫自有後何必諫如棠

承明用儒將那知有程李坐備犬羊羣浮封一九耳平生晉公子

從者 國士誰爲鼓中游孤趙何難擬

聞公卜菟裘欲訪有魚稻絲衣歸林下池塘共春草賢者享三樂

世俗未易道但恐東山心上意還不報

我生長多難已安縣馨室端來強飯板詭詞學造藤枯荻那復春

斜川集卷之四

五

羸兵敢借一振履獨商歌知音賴師乙

君從河朔來言尋子桑飯跼躅自忘形請交不敢憚念君青雲士

我是江湖散共爲逍遙遊未用相推挽

與君期歲寒窮堅老當壯相從茅茨下不羨凌煙上仲由志亦陋

傷哉生無養豈知象所憂簞瓢有佳况

三士從公歸浩然志已諧嗟余哭窮途命也與時乖落日慘關樹

凄風生庭槐杖藜空徙倚抱此難吐懷

士貴得所託結根悲免絲長松在萬仞豈爲寒暑移道義備可棄

投歸吾不辭區區寡所合知我殆非私

我營漢水居晏子近市隘聞公欲卜鄰會築于門大誓爲蒼生留
行作歸途戒從此敢言交紵衣仍縞帶

并門逢惡歲寂寞如在陳况我官獨冷對客寒無茵謀生求二頃

尊門安賤貧明時非自棄願作畎畝臣

幾何方卜居穎昌約
爲尚里相從之好

送趙丞之官滿還朝

先君昔論交士爲天下取同升顧周行歲晚逢吏部俱懷邱明恥
共棄夫子惡君方汗血駒早就凌雲賦千里不難到乃願伯樂顧
懷謁來中山自許相如慕荊州一得見意已輕萬戶我時望膺門
通家愧文舉顧茲豪傑人驥尾失早附蹉跎二十年塵滿并州路
班荆話時昔墮淚髮垂素中郎真有子盡以功名付文章蓋餘事
剛茹柔不吐聊從兩油幕謾借將軍筋笑談出羽檄橫槩縱奇句
吾聞明天子赫赫長治具網羅到巖穴况子籍甚譽鶴功燕然山
行有千載過豈宜山谷中尚使騏驎驚請緩三逕歸執筆太史柱

送王晉之還朝

承平絕羽書盛德戢武威將臣歸宿衛禮樂班三歲君侯遷鄂裔
汗血餘光輝馬上談詩書笑學孫吳非在年綴內朝緩帶臨戎機
駕言櫓俎閒已覺袍鼓楡我卜頴水居里社得所依方懲赤丸俗
遽賊杖杜歸歸朝侍玉輦絡馬黃金羈封侯自有骨坐看擇肉丞

子昔少年日氣蓋閭里俠自言似劇孟扣門知緩急千金已散盡
白首空四壁烈士歎暮年老驥悲伏櫪富貴比浮雲妻孥真敝屣
世事如余何禪心久空寂世閒出世閒此道無兩得故應入枯槁
習氣要除拂丈夫生死易趨舍志匪石當爲師子吼佛法無南北

案屣無入聲
疑當作履

用韋蘓州寄全椒道士韻贈羅浮鄧道士三首

是身如傳舍富貴同過客齒髮日夜衰悲哉卯投石幽人卧林下
沆瀣餐竟夕應笑蘭亭游回頭已陳迹

斜川集卷之四

七

神仙豈無路試訪武陵客天河尙可到歸驗支機石世人耳目隘
露槿那知夕同趨桃李蹊有踐商顏迹

異時公子貴珠履三千客人生一飯飽安用家萬石百年過隙爾
朝不及謀夕吾駕當早回覆車豈無迹

次韻和韓君表讀淵明詩餽曾存之酒酒酬之什

彈冠初爲米挂冠不待稔人言學陶生此舉安能盡陶生物表人
世網那得窘邈如孤鳳凰翺翔天際嶺聊應寓詩酒不在朱絃韻
曾韓輕軒冕雅意妙無眵遠尋柴桑游時遣醉帽隕涉世憎僮來

歸耕猶有準糟床得住友翹藁粗可信攝衣詩從之嗟我獨後警

僕不能飲欲
學而未至

送趙儀之丞汝陰

先師詔後人學優仕有餘治身猶農功勤情報亦如公子生華屋
儻然山澤癯胸中一邱壑結髮談詩書閒平風流在自與常人殊
清華通帝籍簪綬輝里閭我獨求試吏十室聊卷舒未起青雲心
且與黃卷娛淮壖久薦餒待予活焦枯前賢迹相踵詠歌載西湖
麥秋未可期往哺當勤劬作詩聊祖道請以書鄰虛

儀之自名其
室曰鄰虛

送葉少蘊歸縉雲

吾直承明廬誰似先生早前無雜陽人後笑馮唐老機雲謾聲價

斜川集卷之四

天

班馬空詞藻豈知淵源來尚覺河漢小斯文歎未墜妙意付幽討
言乘刺史藩會視金鑿草飄然香案仙宜著蓬萊島未忘經濟心
甘爲窮鬼笑手援溝壑危自上蠲賦表不知古襦袴能活幾枯槁
端如德星臨民瘼一驅播方安龔遂政遠賦陽城考越吟念莊舄
贈策嗟秦繞江湖計不疎經史心未了但收王車歸三徑不足道
平生林泉志久矣軒裳貌遠同謝安石樂比東山好蒼生獨未買
政坐功名擾漢庭求諸儒慨想前輩少不用歎周南亟開宣室召

案蒼生獨未買買字誤
原本同或疑猶未安

送八弟赴官汝南

丈夫志四方彈冠苦不早終童來請纓賈誼試三表二子俱弱冠
功名滿懷抱要非江湖士未易語枯槁君年逾三十閉門垂幽討
父兄逼從仕攬轡方稍稍久安田舍樂寧坐元龍笑白髮始爲郎
定似馮唐老效官麴蘖開區區營一飽雖知督饋薄要使人無保
淮蔡山川美民淳足魚稻作詩慰所思夢繞池塘草

登岐極頂

言登嵩高峯結束兩芒屨攝衣上天梯股栗戰犖確不知幾流汗
蹕出萬仞壑剛風被太虛塵世俯下濁依稀兩仙童遺我一丸藥
平生井底蛙未見宇宙廓四維忽窺舉小知爲磅礴得窮恢譎眼
賴有騰踴腳東觀扶桑升北瞰天河落不須議雄尊培塿眇廬霍
渡泉嶠出諸山之頂

斜川集卷之四

五

岑峯蔽日月左右信艱哉萬壑共馳驚百谷爭吞來鷹隼旣厲翼
蛟龍亦暴腮崩壁送枕卧巖石屢盤廻伏波未能鑿樓船不敢開
百年積流水千歲生青苔行行詎半景余馬以長懷南方大炎火
魂兮可歸來

叔父生日四首

百川赴東海如走萬國朝橫岫列嵩岱象山失岩堯吾道豈不尊
然于雲霄斯文有盟主坐制狂瀾漂天實相我公高卧不知招

手持文章柄燦若北斗標末學病多岐復令世俗澆申商日充塞
仁義愈寂寥造物真有意俾公以後凋羣邪終放鄭正始會聞韶
過也匪私祝彼蒼白昭昭後生方有託未用憂單瓢

滿瀆嗚尋常固爲吞舟厄風無九萬里焉載垂天翼老人臥箕穎
初非厭簪紱時哉莫吾容道人俗隘迫虎兕歌曠野鸞鳳棲枳棘
蒼生謾張望吾道何欣戚小築始將隱門無翟公客高蹤躡巢由
援手謝萬稷我觀造物意申甫爲時出未應茲偉人獨不裨袞職
功名世所趨富貴亦過隙豈知難老福天以壽有德亭亭南澗松
不羨棟梁索方茲闕寒暑寧欲顧匠石世閒出世閒此得無兩得

斜川集卷之四

十一

回首承明廡摩挲看銅狄

鬱鬱閭底松千年義首餘盛積入竊窕翠蓋摩霄漢巖深飽霜雪
路絕羗輪輿空回牛刀手屢發匠石歎物生非不逢得天地所贊
雖微棟梁求幸免斤斧難我公廟堂人端委凶夷憚豈惟福蒼生
高風湧食儒云何臥箕穎當宁方宵旰吾道久寂寥賢愚良未判
汗顏輒而指袖手寧坐看卷懷霖雨心警策露電觀形神妙自契
眉目光璀璨長松信可倚柯葉四時貫東風漫滋榮寒雨徒零亂
何異楚靈楮春秋安可算

物居覆載間陰陽爲盛衰我觀象草木春風不相遺春風暫楚能榮

還有搖落時區區諒消長歲月胡能父世人如草木世態豈異茲
擾擾方寸中坐受寵辱移晷錦方自眩飲水誰汝知可憐千金軀
坐困亭與釐大哉孔孟志夫子真能師浩然剛大氣直養充四維
貧富未易動寒暑何從窺塞馬無倚伏昭琴謝成虧還觀儻來物
造物戲小兒臞仙事吐納閱世猶有之至人不導引矜壽何復疑
惟應廣成子當與此心期

贈詩僧從信

信學詩
于參寥

溪山翠如藍越水碧如銅山川吐尚秀儒釋俱爭鋒接跡有禪老
提綱古宗風其餘將詩律島可不足攻我久客塵土雖窮詩未工

斜川集卷之四

三

要知筆視廢似缺山水供上人三吳來句法乃有從老潛已黃塵
弟子傳清雄益復訪雲水高情謝樊籠試草北山移爲我招琴聰

錢塘琴僧思聰亦於于
詩文久游京師不歸

送鄉僧世鵬遊嵩少

吾蜀士尙氣憑陵以相高儻無勝己友便絕平生交詩書將吾軍
道藝恃所操寧甘斃百戰詎肯挫一毫氣俗未易改波瀾到方袍
世鵬此其流何止事風騷我觀淨屠法成佛須我曹榮枯寄夢幻
生死真鴻毛恨子太孤直巖然出蓬蒿須防斤斧厄且爲聲名逃

空山人迹少晏坐狐狸噪三十再見子庶其免風濤

訪江令德修置酒泛舟

微雨止復作柴門蓬蒿積城隅得幽逕違淖試躡屐吾邑有君子
官居似禪寂惟聞弦歌聲不見愠喜色公庭絕管篳東閣亂書帙
蕭然拂塵榻容我不速客清風掃煩滂淺沼弄寒碧小飲起縱棹
荷翻珠的皪我本江湖人久負雲水役釣竿未入手越吟同莊舄
君行賦杖杜我分安逢華他時剡溪船永謝言游宰

次韻曲水泛舟四首

曲水賈文
元公圖

節物自催迫意閑歡有餘駕言三三子往尋隱者居城隅有喬木
人言于公間當時乞身歸買田將結廬悲哉絲竹地今爲狐兔墟

斜川集卷之四

三

野色暎修竹清溪數游魚驚風下木葉策策紛填渠俯仰成今昔
歎此卜築初

謫仙來人間風流占名城時將瓊玖句自和鈞天聲好語一題拂
翠趨耳爭傾潑潑此溪水似契高人情未許五湖去聊爲一舟橫
我意正浩渺酒觴且徐行仍呼明月來孤光與蒼平邈焉想塵寰

萬類力營營

歲晚得膏澤雋花香滿卮稍令催科帖迤邐不到門我有賢太守
手撫瘡痍痕未遽捨我去壽公福祉繁一飽誠難得敢忘肉骨恩
爭看刺史天扶攜上牆垣忽驚麋鹿姿中有誠意存願子一屣氓

性不事軒冕敢從公卿遊田歌扣牛角誰意樂爾求公有三鳥容
凜然氣橫秋賦詩爾未厭幸歲當優悠越吟何太早言尋邱壑幽
但恐元龍笑汲汲謀田疇寄語玉澗友達人貴乘流枉躬看西山
不妨茲唱酬

訟風伯

天胡久不雨我欲訟之天二麥稿欲死驢腸猶熾然重陰數布野
雨意來無邊未許一濡地輒遇西風顛擺搖澗谷響寧復留雲煙
雨師良已勤風伯殆未悛天公縱此爲忍使暴我田默訴若有答

斜川集卷之四

七

不待巫史傳昨者六七月屋溜如繩懸淋漓連十日奔突潰百川
行旅已斷道閭閻欲通船不藉屏翳功日肆幾變遷我請酌民情
血誠通帝淵風雨要有時乃不爲咎愆赤子仰粒食云何絕其煙
徒閔負販勞不憂稼穡先怨讎滿南畝憔悴爲市廛謾說昏墊害
欲誇掃除賢何曾補日月空祇留飢年區區訟風伯聊賡退之篇
雨後見月

薰風轉亭午流汗液絳絡隆空山雷跨海飛雨黑芭蕉集亂響
風竹瀉暗滴懸知歲有待已喜瘳先滌沉沉璧月上稍稍星河出
枕簟延清尤草木迥寒碧幽人夢未回良夜誰與惜隔籬喚西家

倒屣共餘瀝西家長苦貧而有好顏色終年飯半菽愛酒無從得
嗟余不解飲看爾晴舉白豈不賢老兵聊慰羈旅夕

次韻大人五更山吐月五首

一更山吐月鑑影搖空瀾懸知今夕遊不減蓬瀛看淨露掃餘輝
清飈戒初寒行樂不可遲及此柱未殘

二更山吐月玉杯側清夜誰知蠅子船獨釣澄潭下幽人酌桂醪
冰碗白玉藉他時羅浮錄父老成佳話

三更山吐月半壁沉沉起無言三友歡夜夜仍曾此羽毛見秒虫
鮮甲動沙水此味世莫知勿言驚俗耳

斜川集卷之四

三

四更山吐月紙帳驚虜明披衣訪黃冠野渡孤舟橫束縵旋乞火
犬號驚夜行歸休勿久娛霜露滿山城

五更山吐月纖纖猶燭幽寸陰惟此夜敢辭數登樓寒砧遠隨風
鳴蛩亦悲秋凭欄獨搔首微吟和漁謳

贈王子直

南行幾萬里親舊書亦缺誰知傾蓋交乃勝白頭節去國日已遠
淒涼瘴煙窟未著絕交書已歎交遊絕門前空雀羅卷語紛鴉舌
怪君一事無訪我此窮髮自憐甌生塵每愧羹屢頤何以爲子娛
江水平可吸男兒重志氣勿使變窮達寧甘一瓢樂恥爲五斗折

火急數相聚回頭君欲別一榻當再懸重來爲君設

和叔寬贈李方叔

管鮑死已久交情雲雨翻平生我知子窺見牆及肩老驥歎伏櫪
壯士悲暮年百金空鬻技未分齒髮殫哀哉免絲蔓生理寄所纏
君看秋風至掃蕩何時安誰令三徑荒投老食屢歎短綆設自持
欲引百尺泉造物不我私同彼草木繁不求柔榆暖乃慕松桂寒
學稼雖可賤樂志良獨難當觀五鼎食不異瓢與簞卜築願俱棲
勿學雞相連作詩置坐右勉視後者鞭

用伯充韻贈孫志舉

斜川集卷之四

五

朱顏染黃茅自意嶺表人長恬服世俗敢愧歎菽貧送車反自厓
異獠紛來賓蛙蜩與蝼蝻敬我如族姻

南夷風俗非姻家不
得與蛙蛤蟻蟹之食

吹金舟夜渡徐聞垠往來一漚閒勞生竟非真重尋江南遊再款

空同闔出中有異士束書來卜鄰胸中出虹霓奮袂勇且仁雲居

字枯槁賴此意少春當年老子公硬語本爲民終身雖坎壈誰得

疎而親臧孫固有後仲子先誰倫不憂廊廟遲綠髮未官銀季子

父一奇武庫戈矛新片言折鹿角不許枝詞諱近聞獲麟書還許

登成均歸歟汝上兄器新人惟陳

志康兄以春秋
第一人登第

